



# Seejol Verkennerkamp



## SEEJOL 2018 "DIE DEINING"

### KAMPBRIEF VIR VERKENNERS EN OFFISIERE

**ELKE VERKENNER (SEEJOL-MATROOS) EN OFFISIER:**

**BAIE WELKOM BY DIE VAART VAN VTS SEEJOL 2018!**

Die Tansvaalse Voortrekkers gaan vanjaar, soos die afgelope 28 jaar, weer op Hartenbos kamp. Voortrekkers van die Vrystaat, die Kaap én Natal kamp vanjaar weer saam!

Geniet **Die Vaart** en onthou, **Die Vaart** kan slegs 'n sukses wees as elke bemanningslid sy/haar kant bring en saamwerk.

Lees hierdie inligtingstuk asseblief noukeurig deur. Let asseblief op na 'n paar **belangrike SKEEPSREËLS**.

*Seejolgroete*

**Koos Stofberg**  
**SKEEPSKAPTEIN: VTS SEEJOL**

#### 1. KAMPDOEL

- Om aan lede van die Voortrekkerbeweging 'n geleentheid te bied om teoretiese en praktiese kennis van die kusomgewing, see, seestrande en riviermondings as deel van die skepping van God op te doen ten einde optimale benutting en bewaring daarvan te bevorder.
- Om in 'n ontspanne vakansie-atmosfeer 'n seekamp te hou wat terselfdertyd bevorderlik is vir gesonde mensontwikkeling.

#### 2. KAMPWAARDES

- Ons werk in 'n span
- Ons ondersteun mekaar
- Ons praat met mekaar en nie van mekaar nie
- Ons vertrou mekaar
- Ons wys mekaar tereg, maar in liefde en aanvaarding
- Ons doen ons plig
- Toets my optrede daaraan of dit vir die Here aanneemlik is (Ef. 5:10,11)

#### 3. KAMPDATUM: 22 Junie tot 1 Julie 2018

#### 4. KAMPTEMA:

*"Seejol ... vorentoe in 2018!"*

## 5. ORGANISASIE VAN DIE VAART

### SEEJOL 2018: KAMPRAAD

- |                                     |                    |
|-------------------------------------|--------------------|
| 1. Skeepskaptein (Kamplieer)        | Koos Stofberg      |
| 2. Skeepskantoor (Kampsekretaresse) | Retha Knoetze      |
| 3. Skeepstesourie (Finansies)       | Magdaleen Snyman   |
| 4. Offisier van die dag             | Louis Fourie       |
| 5. Portefeulje: offisiere           | Hantie de Villiers |

### 6. Divisieleiers:

#### Kursusse:

VM LJ de Vos  
GM Bertie Eimer  
KM Philip Stofberg  
GR Marli Duvenhage  
SI Pieter Botha  
KD Marius Snyman  
DD Jody Pelser  
DK Sulette Oosthuizen  
DH Mauritz Meiring

#### Steundienste:

Logistiek Louis Fourie  
Busmeester Jody Pelser  
Kombuis Gauldie van Wyk  
Siekeboeg Elize vd Westhuizen

## 6. KURSUSSE (Divisies)

**LET WEL:** Seejol se kursusse is watergebonde. Die vermoë om te kan swem is 'n vereiste vir 'Snorkelduik', 'Seeroeikunde' en 'Selfbehoud'.

Gr 8: Seekunde (Voormas VM)

Gr 9: Strandstudie (Grootmas GM)

Gr 10: Strandvernuf (Kruismas KM)

Gr 10 – 12: Soutwaterhengel (Sinkers SI)

Gr 10 – 12: Kampkommunikasie (Griffiers GR)

Gr 11: Selfbehoud (Kwartdek KD)

Gr 11 – 12: Snorkelduik (Die Duikers DD)

Gr 11 – 12: Seeroeikunde (De Kotters DK)

Jong volwassenes: Seekunde (Dekhande DH)

## 7. TERMINOLOGIE

Alle skeepsterminologie is as 'n aanhegsel hierby aangeheg; maak seker dat jy, voordat jy op *Die Vaart* vertrek, die terminologie ken en verstaan om enige verwarrings uit te skakel.

## 8. SKEEPSREËLS

### OM ALMAL SE TAAK MAKLIKER TE MAAK!

- Daar word van elke Matroos en Offisier verwag om kennis te neem van die inhoud van die gedragskode en dit met inskrywing te bevestig.
- Die omgewing het mooi plant- en seelewe en is 'n bewaringsgebied. Kom ons hou dit so.
- Niemand mag strand toe gaan sonder die Offisier van die Dag of Divisieleier se toestemming nie. Na ligte-uit is die strand taboe!
- Ons haal **geen** lewendige spesies uit die see nie.
- Moenie skulpe of seegras in jou tas bêre nie. 'n Lang terugreis lê voor!
- Waardevolle items kan by die Skeepskantoor ingehandig word vir bewaring.
- Alle **eie medisyne** moet na aankoms op die skip by die Siekeboeg ingehandig word. Maak seker van jou mediese fondsnommer indien jy dit mag nodig kry of bring 'n afskrif van jou mediese fondskaartjie saam. **Seejol mag nie medikasie aan enigiemand verskaf nie. Indien jy medikasie benodig, sal jou ouers gekontak word, en die medikasie per voorskrif vir jou bekom word.**
- Elke divisie gaan 'n Marsleier verkies. Hy/sy woon daagliks die Marsleiersvergadering by. Gee aan jou Marsleier die nodige ondersteuning.
- Kom ons respekteer mekaar se privaatheid deurdat seuns en dogters uit mekaar se baksdekke bly.
- Onthou ons gaan elke dag baksdekinspeksie hou. Die grondbeginsels van higiëne berus op netheid. Help asseblief deur jou baksdek netjies te hou.

### **AFVAL MOET ASSEBLIEF IN VULLISDROMME GEGOOI WORD!**

- Respekteer mekaar se persoonlike eiendom.
- Verlore eiendom moet by die Skeepskantoor ingehandig word.
- Hou ons galjoene (kleedkamers) skoon en netjies.
- Bespaar water. Moenie onder 'n lopende kraan was nie. Draai die stort toe terwyl jy seep smeer en stort gou klaar. Onthou, baie ander wag vir 'n beurt om te stort. Storttyd – 3 minute maksimum!!
- Enige elektroniese apparaat is 'n veiligheidsrisiko vir diefstal, so laat dit eerder tuis of handig dit in vir veilige bewaring. Selfone kan by die Skeepskantoor ingehandig word vir die herlaai van batterye.
- Die Skeepskombuis is **buite perke**. JAMMER! Vir versoeke: gesels met die Skeepskantoor.

17. Reageer asseblief stiptelik op die program, oral aangebring.
18. Teenwoordigheid by seremonies en ander byeenkomste is vir almal verpligtend.
19. Almal neem deel aan die aandprogramme.
20. Die dagprogram is vol. Voldoende nagrus is nodig. **DAAROM: STILTE EN SLAAP NA LIGTE UIT!**
21. Slegs die Kaptein verleen toestemming dat iemand Die Skip mag verlaat.
22. Geen alkoholiese drank en/of dwelms word op die skip toegelaat nie.
23. Rokers: 'n Dringende versoek: los rookgoed asseblief by die huis – dit is net 'n week. Geniet liewers die vars lug. Geen voorsiening word vir rookgewoontes op die skip gemaak nie.
24. Die Skeepskaptein se kajuit (nie die gewone Skeepskantoor vir administrasie nie) is altyd beskikbaar vir 'n gesprek, 'n probleem, 'n onrustigheid – maak gebruik daarvan. Ons luister graag en help waar ons kan!
25. Alle Skeepsaktiwiteite onder bevel van die Skeepskaptein word in Aktiewe Voortrekkerdrag bygewoon. Geen lid van die bemanning sal die skip verlaat sonder die korrekte Voortrekkerdrag nie.
26. 'n Lid van die bemanning wat nie aan die redelike versoek van die Skeepskaptein gehoor gee nie, sal versoek word om tydens die betrokke aktiwiteit diens op Die Skip te verrig.
27. Hierdie kampreëls is in lyn met die Grondslag, Wese en Voortrekkerkodes en moet saam met die Gedragskode vir Jeuglede of Offisiere gelees word.

## 9. INSKRYWINGS VIR SEEJOL 2018

***Alle inskrywings geskied weer vanjaar elektronies.***

Die 'skakel' is op Seejol se webblad beskikbaar. Elkeen wat wil gaan kamp moet self op Seejol se webblad aanteken en die inskrywingsvorm elektronies voltooi.

Seejol se webblad: [www.seejol.voortrekkers.org.za](http://www.seejol.voortrekkers.org.za)

óf

<https://transvaal.voortrekkers.co.za> → Gebeurtenisse → Verkenners

### Kampgelde:

<b>Matrose</b>	<b>R2 150,00</b>
<b>Diensdoende Offisiere in alle divisies</b>	<b>R1 150,00</b>
<b>Volwassenes in die Skeepskombuis</b>	<b>R500,00</b>
<b>Seeskilpadjies</b>	<b>R500,00</b>

**Indien jy nie met die bus NA die kamp ry nie, kan jy R160,00 van jou kampgeld aftrek.**

**Indien jy nie met die bus VANAF die kamp ry nie, kan jy R160,00 van jou kampgeld aftrek.**

**Kampgelde moet direk in Seejol se rekening inbetaal word. Gebruik 'n eie unieke verwysing (bv. jou naam en van) wanneer jy die inbetaling doen. Seejol se bankbesonderhede:**

**Naam: Seejol**  
**Bank: ABSA (632005)**  
**Rekeningnommer: 4062270138**

**Sluitingsdatum vir inskrywings: 25 Mei 2018 om 16:00**

Aangesien alle inskrywings elektronies geskied, is dit net L8 en L9 vorms wat, indien nodig, aan Seejol gestuur moet word.

### Laat-inskrywings:

Soos gemeld sluit die inskrywings stiptelik om **16:00 op Vrydag 25 Mei 2018**. Laat inskrywings sal op meriete deur die Kampraad hanteer word.

### Foto's van *Die Vaart 2018*:

Kampfoto's gaan op 'Dropbox' gelaai word waar enigeen dit kan gaan aflaai. Die 'skakel' sal aan alle kampeerders gestuur word na afloop van die kamp.

### Seejol T-hemde en Gholfhemde:

Daar is vanjaar weer 'n kamp **langmou T-hemp** beskikbaar teen R160,00. (Dis 'n soortgelyke hemp as in 2017.) Jy kan kies vanaf 'n "klein" tot "5 ekstra-groot". Jou inskrywingsvorm maak hiervoor voorsiening, indien jy sou belangstel. Betaal jou T-hemp saam met jou kampgelde.

Daar gaan vanjaar ook weer 'n **gholfhemp** beskikbaar wees teen R170. Jy kan kies vanaf 'n "klein" tot "5 ekstra-groot". Jou inskrywingsvorm maak hiervoor voorsiening, indien jy sou belangstel. Betaal jou gholfhemp saam met jou kampgelde.

## Vliegtuie:

Ons verkies dat jy bus ry om gees te bou, maar *indien* jy per vliegtuig na George Internasionale-lughawe en terug sou reis:

VTS Seejol sal jou kosteloos op George Internasionale-lughawe oplaai mits jy teen **14:00** op **23 Junie 2018** op die lughawe sou wees; **dit beteken ook dat jy geduldig moet wag** indien jy reeds vroeër op die lughawe is.

**Vir enige ander aankomstye sal VTS Seejol 'n vervoerfooi van R100,00 per persoon hef om 'n bemanningslid te laat oplaai!**

VTS Seejol sal 'n bemanningslid kosteloos op George Internasionale-lughawe besorg op **Saterdag 30 Junie** om **11:00** die oggend, vir een van die vlugte na OR Tambo Internasionaal wat **na 12:00** vertrek.

**Géén persoon sal op 'n ander tyd na die lughawe geneem kan word nie!**

### 10. OP DIE VERTREK DAG – Vrydag 22 Junie 2018 – 18:00

Meld aan by die busse by **Waterkloof Hoërskool** tussen **16:30 en 17:30** sodat die busse gelaai kan word. **Busse vertrek teen 18:00**. Gaan direk na jou Divisie se bus (plakkaat op busvenster) vir registrasie en waar jy aangesê sal word waar jou bagasie gelaai moet word.

Maak seker dat jou bagasie **DEEGLIK GEMERK** is. Hieronder volg 'n tabel waarvolgens jy jou bagasie moet merk. Gebruik 'n lint wat om die handvatsel/strop van jou bagasie gebind word, asook 'n etiket met jou naam daarop en, indien moontlik, jou selnommer.

**Vir bemanning wat langs die pad opklim:**

**Oplaaitye (ongeveer):**

**McDonalds by Beyers Naudéweg: 18:45-19:00**

**Vaal Plaza Truck Stop: 19:45-20:00**

**Kroonstad Shell UltraCity: 20:45-21:00**

**Bloemfontein Engen Suid: 23:45-00:15**

Divisie		Lintkleur
Gr 8: Voormas (Seekunde)	<b>VM</b>	Geel
Gr 9: Grootmas (Strandstudie)	<b>GM</b>	Oranje
Gr 10: Kruismas (Strandvernuf)	<b>KM</b>	Seegroen (turkoois)
Gr 10 – 12: Sinkers (Soutwaterhengel)	<b>SI</b>	Groen
Gr 10 – 12: Griffiers (Kampkommunikasie)	<b>GR</b>	Grys
Gr 11: Kwartdek (Selfbehoud)	<b>KD</b>	Swart
Gr 11 – 12: Die Duikers (Snorkelduik)	<b>DD</b>	Rooi
Gr 11 – 12: De Kotters (Seeroeikunde)	<b>DK</b>	Blou
Volwassenes		Maroen

Offisiere se bagasie word met Maroen gemerk en óók in die Divisiekleur waar hy/sy betrokke is

### 11. SLEGS VIR VOLWASSENES WAT SAAM GAAN KAMP

Daar sal 'n **oriënteringsvergadering** gehou word op **Saterdag 2 Junie 2018** in Waterkloof Hoërskool se Restourant vanaf 09:00 tot 12:00. Elke **volwasse lid** wat *Die Vaart* meemaak, **MOET** hierdie vergadering bywoon. Koffie en tee sal voorsien word. Bring net 'n goeie gees en hope entoesiasme saam.

### 12. KONTAK EN NAVRAE

Navrae kan op die volgende maniere hanteer word:

1. Stuur 'n e-pos na [seejol@voortrekkers.org.za](mailto:seejol@voortrekkers.org.za)

**OF**

2. Gaan op die Seejol se "Facebook"-blad en gesels daar met ons, ons sal jou verseker antwoord.

***"Nou, Hou Koers dan tot ons weer ontmoet!"***

***"Jol, jol, lekker Seejol . . ."***

## WAT PAK JY IN VIR SEEJOL?

1. 'n **Kospakkie** vir die pad. Anders as in die verlede, gaan die busse NIE stop vir die aankoop van kos langs die pad nie!
2. Bybel.
3. Slaapsak, kussing en grondseiltjie/"survival bag" vir jou tent (wat voorsien word), want die sand is nat en koud in die aand. Die meeste divisies gaan uitslaap gedurende *Die Vaart*, so maak seker jou grondseil kan dien as skuilingmateriaal om 'n skuiling mee te bou.
4. Notaboek en skryfgoed.
5. Persoonlike medikasie – word ingehandig by die Siekeboeg vir veilige bewaring.
6. Beursie met saggeld – daar is 'n snoepie (Die Kantien) op *Die Vaart*.
7. Bordesakkie, sponsie en afdroogdoek of alternatiewelik: **papierborde, plastiese messe, vurke en lepels** – dis makliker om net weg te gooi en dis meer higiënies.
8. Flits en ekstra batterye.
9. Swemklere, handdoek en sonbrandmiddel.
10. Smuksakkie met als om jou mee skoon te maak.
11. Dagsakkie met jou kospakkie en 'n waterbottel – wat jy op die bus neem saam met jou slaapsak en kussing vir die rit.
12. **EEN** tas of "duffel bag" per persoon vir al jou persoonlike besittings - BEHOORLIK gemerk. **ASSEBLIEF: GÉÉN KRATTE NIE – DIT MAAK DIE PAK VAN DIE BUSSE MOEILIK.**
13. Gemaklike skoene, tekkies en/of plakkies / "crockies" vir al die baie aktiwiteite op *Die Vaart*.
14. Aktiewe Voortrekkerdrag.
15. Gemaklike klere vir die dag.
16. GENOEG warm klere vir die aande.
17. 'n Reënbestande baadjie – daardie tyd van die jaar is dit reënseisoen in die Suid-Kaap.
18. **Jou Divisieleier sal jou kontak indien daar enige addisionele items is wat moet saam kom op *Die Vaart*. Indien jy niks hoor nie, is daar niks ekstra om saam te neem nie.**

## AANHANGSEL – SKEEPSTERMINOLOGIE / SKEEPSTERME

Ons vaart het sy eie terme. Kom ons leer dit asseblief aan!

**Die kamp**  
**Kampteier**  
**Kampsekretaresse**  
**Offisier aan diens**  
**Offisier van wagbeurte**

Die Vaart  
Skeepskaptein  
Skrwyer  
Offisier van die Dag  
Onder-offisier van die Dag

**Kursusleier**  
**Kursusgroep**  
**Kursusaanbieders**  
**Jeugleiers**  
**Verkenners**  
**Seekunde kursusgroep**  
**Strandstudie kursusgroep**  
**Strandvernuf kursusgroep**  
**Kampkommunikasie kursusgroep**  
**Soutwaterhengel kursusgroep**  
**Selfbehoud kursusgroep**  
**Snorkelduik kursusgroep**  
**Seeroeikunde kursusgroep**  
**Kampbeveiliging kursusgroep**  
**Administrasie**  
**Noodhulp**  
**Voorrade**  
**Snoepie**  
**Voorspan**  
**Stiltetyd**  
**Gaan uit die kamp**  
**Gaan in die kamp**  
**Hek**  
**Ablusieblokke**  
**Slaaptent**  
**Verkenner eettent**  
**Vlagpale**  
**Seremonie-area/terrein**  
**Saal**  
**Offisiere tente**  
**Offisiere eettent**  
**Links**  
**Regs**  
**Voorkant van die skip**  
**Agterkant van die skip**  
**Kampblad**  
**Kombuis**  
**Luidspreker**  
**Offisiere in opleiding**

Divisieleier  
Divisie  
Offisiere  
Marsleiers  
Matrose  
Voormas (divisie)  
Grootmas (divisie)  
Kruismas (divisie)  
Griffiers (divisie)  
Sinkers (divisie)  
Kwartdek (divisie)  
Die Duikers (divisie)  
Die Kotters (divisie)  
Die Wagte (divisie)  
Skeepskantoor  
Siekeboeg  
Logistiek  
Skeepskantien  
Ankers  
Bewuswording  
Gaan aan wal  
Gaan aan boord  
Looptank  
Galjoene  
Baksdek  
Matrosebak  
Mas  
Kwartdek  
Hoofdek  
Kajuite  
Offisierebak  
Bakboord  
Stuurboord  
Voorkasteel  
Agterstewe  
Skeepsjoernaal  
Skeepskombuis  
Bootsmanspyp  
Dekhande